

DIARIO DEPORTIVO

Waldmir Schmidt a califica Mohammed como umpire profesional



ORANJESTAD (AAN) - Diadomingo ultimo a rescresa su pais Puerto Rico, despues di a permanece 5 dia aki na Aruba pa duna curso na umpire di baseball, Sr. Waldmir Schmidt.

Diamars siman pasa Waldmir a yega Aruba pa duna e umpirenan di baseball un clinics y el a keda na cas di Presidente di asociacion di umpire di Aruba Sr. Ewald Mohammed.

DIARIO a entrevista Sr. Schmidt kende no ta un persona deconoci aki na Aruba debi cu tres aña pasa el a referee y pelea pa titulo mundial aki na Aruba entre Fred-

dy Jackson y Daniel Zarragoza cu a tuma lugar den Hotel Concord.

Waldmir a lamenta masha hopi mes cu e interes grandi cu Sr. Mohammed y Illidge Presidente di ABBA a haci pa por a trece su persona aki na Aruba pa duna clinics y e interes mes di e umpirenan a laga hopi di desea. Ta un lastima cu a cuminsa 15 umpire na e clinics y apenas 7 a termina cu sin duda ta hopi poder mes, segun Waldmir Schmidt kende ta supervisor di umpire di baseball profesional na Puerto Rico.

" Mi a trece tur loque cu mi tabata kere cu ta bon pa duna e clinics y tur cos tabata ariba papel, pero ta un lastima ya cu no ta tur ora un supervisor di umpire profesional tin tempo pa sali for di su pais pa duna clinics na otro pais" tabata palabranan di Waldmir Schmidt.

Mi tin 31 aña como umpire di baseball profesional y 20 aña como referee di boxeo profesional y ta prome vez cu mi por a duna un clinics na asina poco umpire, tabata

palabranan di Waldmir Schmidt.

Parce cu tabata tin varios umpire malo di griep y como tal nan no por atende e clinics, segun Waldmir, pero esey tin su solucion, pasobra Aruba ta conta cu un tremendo umpire y cualifica pa duna clinics na umpirenan local. Sr. Schmidt a referi na Ewald Mohammed.

Aruba mester ta orguyoso di tin un tremendo umpire, un hombre cu sa su trabao y mas ainda e sa su reglamento. Un hombre corecto, bon educa conociendo e idioma ingles y spaño hopi bon, ta palabranan cu Waldmir tabata tin pa e pueblo di Aruba y pa umpirenan di baseball local.

Mohammed ta qualifica pa dirigi wega di baseball profesional y como tal mester busca un oportunidad pa e dirigi wega na Venezuela cu ta hopi serca di Aruba, pasobra no solamente e ta un umpire completo, pero e por comunica cu tur pelotero pasobra e por papia diferente idioma, y ta loque cu na Venezuela e umpirenan no por papia ingles.

" Sr. Gabby Illidge y Ewald Mohammed a haci lo maximo pa yuda e umpirenan di Aruba y como tal nan a trece, mi a laga mi trabao atras pa bin duna e clinics pa mi keda

poco desepcion di e poco interes", segun Waldmir Schmidt.

Finalmente, Sr. Schmidt y Señora a gradici familia Mohammed pa e bon trato y

pa e sabroso cuminda cu nan a come cushina pa daña Iris esposa di Ewald Mohammed.

Young Warriors a despedi di Izayra Casuela



ORANJESTAD (AAN) - Diavicrta ultimo, Young Warriors Bike Cross a despedi di Izayra Casuela, campeon den categoria di Damas Panamerican, Internacional y nacional, kende lo bay biba na Hulanda hunto cu su mayornan.

Cu despedida di Izayra, Aruba a perde un di su mihor crossernan den su categoria. Durante di su despedida tabata presente miembronan di directiva y ex directiva, ex coredornan y e team actual.

Palabra di Izayra ta un gratitud na tur teamnan di damas aki na Aruba, pasobra sin nan awe e no tabata tin exito. Izayra ta desea tur team di Aruba exito den e caredanan venidero di Pan American cualnan lo tuma lugar na Curacao, especialmente e damanan pa trata di tene trofeo pa Aruba.

Ariba e grafico momento cu Johny Croes Presidente di Young Warriors a entrega Izayra un plaquette como recuerdo y alavez a desca Izayra hopi exito na Hulanda. E ceremonia a tuma lugar na cas di Leo Lumenier.

Aruba
AMERICANA
HOTEL & CASINO

TIN MESTER DI

KOKKI
CU URGENCIA

Por favor pasa na oficina di personal durante oranan di trabao di 9'or a.m. - 4'or p.m.

COOPERTIEVE VERENIGING CREDIT SAGRADO
Curazon Savaneta.
CONVOCACION

Directiva di Credit Union Sagrado Curazon Savaneta ta invita tur su miembronan pa bin participa na un reunion general pa miembronan diabierna 20 di mei 1988 pa 7'or di anochi na Heilig Hart College.

Agenda:

- 1.Apertura.
- 2.Informacion di directiva y comicionnan.
- 3.Eleccion pa directiva y comicionnan nobo.
- 4.Turno liber.
- 5.Clausura.

Si pa 7:00 p.m. no tin quorum, lo warda 30 minuut y despues lo sigi cu e reunion cu e miembronan presente.